



CUARESMA



Cuaresma ta un periodo den e tempo liturgico destina pa iglesia catolico, y algun otro iglesianan historico cu tambe ta resalta e temporada aki, cual ta cuminsa cu “diaranzon di shinishi” y e ta caba net prome cu e misa di “Cena di Senjor cual ta jueves santo. E asunto di cuarenta dia ta bini di diferente referencianan biblica y tambe ta simboliza e prueba cu Hesus a pasa durante 40 dia den desierto, prome cu E a cuminsa su mishon. Tambe e por simbolisa e 40 dia cu e diluvio a dura, tambe nos por pensa ariba 40 anja cu e pueblo di Israel a marcha den desierto y tambe e 400 anja cu e pueblo judiu a keda na Egipto. Durante henter e tempo di cuaresma, cristianan ta keda anima pa nan reforsa nan fe pa medio di diferente practica entre otro penitencia y reflecion, sin laga afor e tema di conbershon y tambe di caridad pa cu otro. Cuaresma ta e tempo pa busca Dios den sinceridad y tambe di hasi un real penitencia cu por consisti di yunamento, orashon y hiba un bida di austeridad durante e tempo saludabel di cuaresma aki. Cuaresma tin 5 siman y acerca ta bini e diadomingo di Rama, y e lecturanan tur ta carga cu e tema di conbershon, ta resalta e asunto di loke ta pica y buscamento di pordon di Dios. Cuaresma no ta un tempo tristo

e ta un tempo di reflecion profundo ariba bida cristian, ariba mi relacion cu Dios y mi prohimo, awel pa exelencia e ta un tempo di conbershon y penitencia den henter e anja liturgico cual iglesia ta ofrece nos. Durante e tempo aki por ripara algun detaye di liturgia, specialmente ora di misa. Nos por mira e sacerdote ta bisti na binja(lila) di forma simpel, e cantamento di aleluya prome cu evangelio, ni e gloria lo no resona den e temporada aki di cuaresma y tur esey cu exepcion di “Misa Crismal” y Misa di Cena di Senor, despues di esey ta cu Diasabra di Aleluya, iglesia ta dreña den esfera di gozo atrobe. Den e di 4 diadomingo iglesia ta bisti na color “Roos” esey nos ta yama diadomingo di “*Laetare*” cu kiermen “*alegra boso*”, tuma di latin di Is 66:10-11, cual ta duna un toque di loke ta bai bini esta e gran celebrashon di Pasco di Resurreccion, y e diadomingo aki por duna un toque modera den e celebrashon usando algun instrumento musical y por pone flornan modera na altar, pasobra ainda no ta e gran fiesta mes ainda. E Tempo aki di cuaresma ta realmente e tempo di conbershon y pa nos bolbe na Dios Tata cu ta warda nos cu hopi misericordia, si ta e caso cu nos a aleha di dje mescos cu e yiu perdi(Lc 15,11-32) cu a bai di cas di su tata y a hiba un bida desordena. Ta bon pa e tempo aki nos hasi un examen di consenchi y wak ta ki tur nos a hasi cu ta ofende Dios. Nos mester comprende manera Papa Francisco a bisa, Dios semper ta warda ariba nos pa e perdona nos. Y Senjor ta warda nos scondi den e sacerdote(Zr faustina) pa ofrece nos su misericordia den e sacramento di sanashon y di amor.





Cuaresma ta e tempo di purificashon di nos faltanan, y nos miseria cual a herida e amor di Dios. Nos santa madre iglesia ta ofrece nos e practicanan pa nos pone cos na ordo cu Dios, especialmente den e tempo di cuaresma, cual ta ayuno, orashon, penitencia y caridad. Ora nos papia di yunamento, nos por pensa hopi biaha di keda sin come, pero, esey no ta suficiente, nos mester bai mas leu pa hasi nos fuerte, y abstinencia ta hasi nos fuerte, y nos ta vencedor ariba diablo cu tey pa crea divishon, pa despues e juzgabo y condenabo. Ora nos ta yuna of abstene, nos ta haya forza di ariba cual ta yuda nos lucha cu nos mes un pashonan desordena, nos egoismo, vanidad, flohera, odio den curazon, hasi redo, deseonan malo, invidia asina mi por sigui menshona, ora nos no por mortifica nos curpa pa asina duna forza na nos alma, cual

ta habri pa Dios su gracionan. Tur esaki mester bai cu orashon. Ora nos ta papia di caridad como practica den cuaresma, e ora ey nos mester puntra con mi ta den mi generosidad pa cu otronan cu ta pasa necesidad. Tin biaha nos ta pensa cu solamente tira poco sen larga den collect di misa anto ta cla. Awe...sii...pa mantene parokia y pa desaroya proyectonan esey ta nada, pero den dicember ta kima plaka na vuurwerk y den carnaval no papia mes...**I**enfin cada ken sa kiko nan ta hasi. Pakiko pa cas di Dios ta loke sobra e por haya????Dios no merece loke ta miserable...Si iglesia catolico tawatin e asunto di diesmo, awe e cos lo ta otro, hasta airco tur misa aki na Aruba lo tawatin proyectonan grandi lo ta tumando lugar, y lo no tawatin problema cu mantenshon y e yudansa social di parokia lo tawata mas completo y eficaz. Awel den tempo di cuaresma pensa un poco, den

nos parokia ainda nos por conta cu un asistencia social cual e dinamica Sra Cristina ta dirigi, pero ki tur

asistencia social parokia por hasi??? wel te awor ta parti cuminda dor di conta cu algun instancia ta hasi entrega di algun fondo y cumindanan, cu esey parokia por ofrece caridad. Den cuaresma lo nos pone algun macuto na porta di misa pa asina ora bo bini, pasa den bo kashi cushina piki algun comestible y pone den e macuto di asistencia social asina nos por yuda nos hendenan den necesidad den parokia cual ta bastante. Deal?????



MISA DI SAVANETA BIEU

!TA CUARESMA DRECHA BIDA!